

## **Wegonenan aabajichiganan eyaamagakin oniigi'igoog onji?**

*Giishpin gegoon noonde-gikendaman gaa-ayizhaad gikina'amaadiwigamigong ginijjaanis, ayaamagadoon wiiji'iwewinan ge-wiiji'igoyamban: Minjimendan, ji-bana'anzig gekina'amawind gakina awiya ji-naagajitoopan, andone'an wiiji'iwewin giishin andawendaman.*

Gidaa-ganoonaa:

- Ginijjaanis ogikina'amaagen
- Niigaaniid gikina'amaadiwigamig
- Gaa-gagiikwed anokii'aagan
- Gaa-wiiji'iwed ogikina'amaage
- Gikina'amaadiwigamigoon gaa-naagajitoowaad anokii'aaganag
- Ingi Manitoba Association of Parent Councils (MAPC)
- Manitoba Gikina'amaagewin (Manitoba Education)
- Mino-ayaawin Abinoojii Manitoba (Healthy Child Manitoba)
- [www.manitobaparentzone.ca](http://www.manitobaparentzone.ca)



**Gichi-gegoo iwe ji-bana'anzig  
gikina'amawind abinoojii.  
Gikina'amawaaganag daabida  
ezhaawaad gikina'amaading nawach  
noonde-gikenjigewag, nawach gaye izhi-  
dibendaagoziwag gaa-daawaad,  
zhigwa nawach wiinawaa daa-giizhi-  
gikina'amawaawag.**



### **Manitoba Association of Parent Councils**

1005—401 York Avenue  
Winnipeg MB R3C 0P8

Giigidowin: 204-956-1770

Diba'anzwin: 877-290-4702

Aazhidebii'igeng: 204-956-7780

Maagoniganing: [info@mapc.mb.ca](mailto:info@mapc.mb.ca)

Facebook: [www.facebook.com/mapcmb](https://www.facebook.com/mapcmb)

Twitter: [www.twitter.com/mapcmb](https://www.twitter.com/mapcmb)

## **Wiiji'iwewin daabida ji-izhaang gikina'amaading**

*Aaniin oniigi'igomaag ge-izhichigewaapan ji-gikendaasong Manitoba gikina'amaadiwigamigoon.*



## Gigii-gikendaan ina...

- ▶ Onjida ji-bana'igaadesinog gikina'amaading omaa Manitoba – *gaan gegoo bakaan*
- ▶ Giishpin giniijaanis midaaso-diba'iganens metasishing endasogiizhig, ningodwaachigon oga-wanitoon ningowaki izhisenig.
- ▶ Giishpin giniijaanis niizhigon bana'ang endasogiizis, ningogiizis oga-wanitoon ji-gikina'amawindiban.
- ▶ Giishpin giniijaanis ashi-naanogiizhig bana'ang endasowaki, ningowaki gikina'amaadiwin oga-wanitoon apii giizhitoosid ashi-niizh.
- ▶ Gikina'amawaaganag daabida ezhaawaad gikina'amaading nawach noonde-gikenjigewag, nawach gaye izhi-dibendaagoziwag gaa-daawaad, zhigwa nawach wiinawaa daa-giizhi-gikina'amawaawag.
- ▶ Awiya gaa-giizhitoosigwaa gikina'amaagewin, niizhing nawach gaawin da-anokiisiwag, nawach gaye bangii da-gashkichigewag apiich ingi gaa-giizhitoowaad ogikina'amaadiwiniwaa'.

### Gikenjigewin ako ashi-nishwaaswi onashowewin

September 2012 gaa-akiiwang, ingi Manitoba Education oga-onatoonaawaa' iwe **Preparing Students for Success Act** onashowewin, ...mii zhigwa onjida ji-gikina'amawindwaa oshki-ayaag minik ashi-nishwaaswi dasobibooneewaad apiich wiin ashi-ningodwaaswi. Owe onashowewin ji-wiiji'iwemagak awashime gikina'amawaaganag ji-giizhitoowaad gikina'amaadiwin zhigwa nawach ji-minosewaad obimaadiziwiniwaang.

## Aaniin ge-izhichigewaapan inawemaaganag ji-wiiji'iwewaad ji-bana'igaadesinog gikina'amaadiwin?

- ▶ Wiiji'iwewin gegoo inakamigak gikina'amaadiwigamigong ji-gikendaagwak gichi-inendaman gikina'amaadiwin
- ▶ Gaganoonzh giniijaanisag apii oshkaadiziwaad aaniin ezhi-gichi-inendaagwak gikina'amaagewin
- ▶ Daabida gaganoonzhiwen gikina'amaadiwigamigong daga aaniin ayinakamigak aaniin gaye ge-izhi-wiiji'iweyamban gegoo izhiseg.
- ▶ Wiiji' giniijaanis wegonen eni-waabang waa-dazhiikang, nawach da-wendadiri
- ▶ Izhichigeg gechiwag abinoojiyag eyaawaad ji-wiiji'iwidiwaad anda-gikina'amawindwaa
- ▶ Ningoji ji-izhaayan, onatoon ji-izhaasiwan megwaa gikina'amaadising
- ▶ Ningoji izhaayan babaami-ayaawining, onatoon ji-izhaayan megwaa gikina'amaadising
- ▶ Gaganoonzh gikina'amaadiwigamig noonde-maajitooyan iwe Walking School Bus.

**Nawach gegoo doodaman gikendaagwad apiich michi-ikidowin!**  
**Gego metasishiken waabanda'iwon gichi-inendaman gikina'amaagewin ji-bana'igaadesinog gaye.**

## Aaniin gikina'amaadiwigamigoon ge-doodamowaapan ji-bana'igaadesinog gikina'amaadiwin.

- ▶ Awiya ji-ayaapan abinooji ji-gaganoonaapan giishin gegoo izhiseg
- ▶ Daabida gagwe-wiindamaw inawemaaganag aaniin ayinakamigizing gaa-gikina'amaading ji-wiiji'iwewaad
- ▶ Izhichigen ji-ozitaawendanzigwaa gaa-biindigewaad gikina'amaadiwining

**Apane go 2009 gaa-akiiwang,  
Manitoba Gikina'amaagewin  
bebakaan gegoon izhichigewag ji-  
bana'igaadesinog gikina'amaadiwin.  
2012 gaa-akiiwang, iwe Manitoba  
Association of Parent Councils  
(MAPC) wiidanokiimaawaa' ingi  
Manitoba Gikina'amaagewin  
oniigi'igoog ji-gikendamowaad aaniin  
ezhi-gichi-inendaagwak ji-bana'anzig  
gikina'amawaagan omaa Manitoba.**

**Gakina awiya**  
Gekina'amawind  
**Endasogiizhi**

